

**MESYUARAT PERTAMA PENGGAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018**

PERKARA : 4(B)(XVIII)10

**SOALAN BERTULIS OLEH AHLI KAWASAN PERMATANG
BERANGAN**

YB. NOR HAFIZAH BINTI OTHMAN

10. Apakah perancangan kerajaan dalam menyelaraskan cadangan pemberian caruman KWSP kepada suri rumah oleh Kerajaan Pusat dengan suri rumah di negeri ini?
- (a) Apakah contoh-contoh cadangan aktiviti atau program pemerkasaan wanita yang akan dilakukan oleh kerajaan?
 - (b) Bagaimanakah bentuk pembelaan kerajaan kepada golongan ini?

YB. CHONG ENG

MENJAWAB BAGI PIHAK Y.A.B. KETUA MENTERI

10. Pelaksanaan Caruman Kumpulan Wang Simpanan Pekerja (KWSP) untuk suri rumah adalah program di bawah Kerajaan Persekutuan di mana Kementerian Pembangunan Wanita Keluarga dan Masyarakat (KPWKM) sedang menyediakan Memorandum Jemaah Menteri (MJM) yang dijangka dibentangkan kepada Jemaah Menteri pada penghujung Julai 2018. Kerajaan Negeri menyokong sepenuhnya cadangan ini dan akan menerima pakai kriteria yang ditetapkan oleh Kerajaan Persekutuan.

Antara program atau aktiviti pemerkasaan wanita yang telah dan akan dilaksanakan di Pulau Pinang adalah seperti berikut:

- (i) Klinik Guaman - Membincangkan isu-isu berkaitan dan tindakan yang boleh diambil oleh wanita yang

mengalami keganasan rumahtangga.

- (ii) Klinik De'Stress - Memberi pendedahan personaliti diri, kemahiran asas kaunseling, kemahiran komunikasi dan teknik pengurusan emosi seperti stres, dan marah.
- (iii) Program WAJA - Memberi pengetahuan dan kesedaran kepada masyarakat khususnya mengenai jenayah.
- (iv) Bengkel kraftangan - Mengajar membuat kraftangan dan membantu mencari pasaran untuk hasil kraftangan tersebut supaya dapat menjana pendapatan.
- (v) *Women in Economy Conference 2018* - Persidangan bagi wanita yang menceburi dunia keusahawanan.
- (vi) *Penang Goes Orange (PGO)* - Kempen kesedaran mengenai usaha membanteras keganasan terhadap wanita yang diadakan pada 25 November setiap tahun.
- (vii) Bengkel Pemerkasaan dan Kepimpinan Wanita MPKK - Bengkel ini dianjurkan untuk ahli Majlis Pengurusan Komuniti Kampung (MPKK) yang dahulunya dikenali sebagai Jawatankuasa Kemajuan dan Keselamatan Kampung (JKKK). Modul seperti kesedaran hak dan gender, kepimpinan, kerjasama dalam kumpulan dan pengucapan awam akan dibincang dalam bengkel ini.

Program yang dirancang dan dilaksanakan memberikan pembelaan secara tidak langsung kepada golongan wanita dari aspek-aspek seperti berikut:

Ekonomi - Memastikan kemahiran yang dipelajari dapat

digunakan dengan sebaik mungkin untuk menjaga pendapatan mereka sendiri.

Pembangunan Kapasiti – Memberi pendedahan kepada wanita tentang hak-hak wanita khasnya melalui undang-undang Keluarga Islam dan bukan Islam. Melalui program yang dianjurkan mereka dapat mengetahui arah dan hala tuju sekiranya berlaku penceraian dan penderaan bagi memastikan nasib mereka terbelas.

Kesejahteraan emosi – Memberi pendedahan dan pembelajaran betapa pentingnya menangani stres dan emosi yang tidak stabil bagi mengelakkan berlakunya perkara yang tidak diingini apabila menghadapi konflik dan masalah khasnya di rumah dan di tempat kerja. Program ini juga memberi ruang kepada wanita melepaskan stres dan emosi yang terganggu agar tidak melarat dan dilepaskan kepada anak-anak atau medium yang tidak sewajarnya.